



Maqaalee Rabbii (Subhaanahu)-Kutaa 4.2

## Description

C.Ibsa Aayaata (keeyyatoota) Qurâ€™aanaa muraasa maqaalee kanniin of keessaa qabanii

Kutaa darbe irraa itti fufuu aayaata Qurâ€™aanaa maqaalee Al-Hayy fi Al-Qayyuum of keessaa qaban ni ibsina. Maddi guddaan maqaalee fi sifaata Rabbal aalamiina itti beekan Qurâ€™aana waan taâ€™eeifi. Maqaan Al-Hayy jedhu Qurâ€™aana keessatti siâ€™a shan kan dhufe yommuu taâ€™u, Al-Qayyuum immoo siâ€™a sadii dhufe. Al-Hayy fi Al-Qayyuum walitti hidhamuun 2:255, 3:2, 20:111 keessatti dhufanii jiru. Addatti Al-Hayy 40:65 fi 25:58 keessatti dhufee jira. Yeroo darbe 2:255 (Aayata Al-Kursiyy) waan ibsineef aaya tana lamu irraa hin deebinu. Amma kan hafan ilaalla.

۱۰۷ ﴿۱﴾ اللَّهُ لَا إِلَهَ إِلَّا هُوَ الْحَقُّ الْقَيُّومُ ﴿۲﴾ نَزَّلَ عَلَيْكَ الْكِتَابَ بِالْحَقِّ  
۱۰۸ مِنْدِقًا لِمَا بَيْنَ يَدَيْهِ وَأَنْزَلَ التَّوْرَةَ وَالْإِنْجِيلَ ﴿۳﴾

â€œAliif Laam Miim. Allaah, Isa malee haqaan gabbaramaan hin jiru, [Inni] Al-Hayy Al-Qayyuum. Waan isa dura jiru kan dhugoomsu taâ€™e kitaaba dhugaan sиррати буусе. Tawraati fi Injiliis ni buuse.â€ Suuratu Aali-Imraan 3:1-3

Rabbiin tabaaraka wa taâ€™aalaa Tokkichummaan gabbaramuu Isaa beeksisuun jalqabe. Dhugumatti, Isa malee haqaan kan gabbaramu hin jiru. Isaan ala wanti gabbaramu (waaqefatamu) hundi soba (baaxila) [1].

**Al-Hayy -Jiraataa** jirenya guutuu qabuudha. Jireenyi Rabbii subhaanahu jirenya guutuu taatedha. Inni Jiraataa jalqabaa fi dhuma hin qabneedha. Jireenyi Isaa dhabamuun hin durfamne, badiinsis hin qunnamu. Akkasumas, gara kaminiyyuu hanqinni itti hin seenu. Muguu fi hirribni guutummaa jireenyaa waan hirâ€™isuuf Rabbiin gonkumaa hin rafu, hin mugu. Jireenyi Isaa guutuu hanqinna wayitu hin qabne waan taatef.

Rabbiin subhaanahu Jiraataa gonkumaa hin duunedha. Kanaafi, Inni ilma qabaachu irraa qulqulluudha. Ilmi kan barbaachisuuf nama duutii fi badiinsi qunnamuufi. Namni waan duâ€™uuif sanyiin isaa akka itti fuftuuf ilma barbaada. Garuu Rabbiin subhaanahu wa taâ€™aalaa yeroo hundaa jiraataa gonkumaa hin duune waan taâ€™eef ilmatti hin hajamu. Inni kanarrraa qulqulluudha.

**Al-Qayuum** jechuun immoo Of Dandaâ€™aa homattu hin hajamnee fi wantoota Isaan ala jiran hunda kan dhaabudha. Wantoonni Isaan ala jiran hundi argamuuf, dhaabbachuu fi jiraachuuf Isatti hajamu.[\[2\]](#) Rabbiin subhaanahu wa taâ€™aalaa uumamtoota Isaa tooâ€™achuuf, qindeessuu fi sirreessuuf itti gaafatamummaa kan fudhateedha. Qaama, qalbii fi ruuhi isaanii sirreessuf itti gaafatamummaa fudhate. Rooba samii irra buusun biqiltoota lafa keessaa ol biqilcheef. Uumamtoonnis bishaan samii irraa buâ€™ee dhuguu fi soorata lafaa biqilee nyaachuun qaamni isaanii ni sirraaâ€™a. Kanaafu, qaama isaanii kan jiraachisu, sirreessu fi tooâ€™atu Rabbii oltaâ€™aadha. Osoo roobni samii irraa buâ€™uu baate silaa duâ€™anii qaamni isaanii tortoree bada.

Ammas, Rabbiin rahmanni Isaa balâ€™aa taâ€™ee kitaaba Of biraan buusun ruuhi fi qalbii uumamtootaa sirreesse. Qalbiin dukkana wallaatummaa fi kufrii keessaa gara ifa iimaanaa fi beekumsaatti bahuun ni sirroofti. Bishaan samii buâ€™uu qaamaaf jirenyaa taâ€™a. Kitaabni Isa biraan buâ€™u immoo ruuhi fi qalbiif jirenyaa taâ€™a. Kanaafi, itti aanse ni jedha: **â€¢Waan isa dura jiru kan dhugoomsu taâ€™e kitaaba dhugaan sirratti buuse.â€¢**

Kana jechuun Yaa Muhammad! Qurâ€™aana kitaabban isa dura buâ€™an kan dhugoomsu haqaan sirratti buusee jira. Haqaan sirratti buuse yommuu jedhu: Qurâ€™aanni kuni Rabbiin irraa taâ€™uu shakkii wayitu hin qabu. Beekumsa Isaatiin buuse.[\[3\]](#) Ammas, wanti Qurâ€™aanni of keessaa qabu hundi haqa ykn dhugaadha.[\[4\]](#) Sobni homaatu keessa hin jiru. Ajajni of keessaa qabu fi odeeefannoob beeksisu hundi haqa. Qurâ€™aanni waaâ€™ee ummata darbanii fi waaâ€™ee Jannataa fi Jahannam ni beeksisa. Kunniin hundi dhibbaan dhibbatti dhugaadha. Sababni isaas, Rabbii waan hundaa beeku fi hunda caalaa dhugaa dubbatu irraa buâ€™e.

Rabbiin Oltaâ€™aan ni jedha:**â€¢Sobni fuundura isaatiis taâ€™ee duuba isaatiin itti hin dhufu. Rabbii Ogeessa Faarfamaa taâ€™e irraa buufame.â€¢**(Suuratu al-Fussilat 41:42) Qurâ€™aanatti duraa duuban sobni wanti jedhamu hin dhufu. Kana jechuun beekumsa namaaf dhiyeessu keessatti sobni itti hin dhufu. Seerotaa fi murtiwwan kaaâ€™e keessatti sobni itti hin dhufu. Seeronni fi murtiwwan isa keessa jiran haqa hin jijjiramneedha. Seenaa durii irraa wanta beeksisu keessatti sobni wanti jedhamu itti hin dhufu. Seenan ummata durii Qurâ€™aanni beeksisu hundi dhugaadha. Wanta gara fuunduraatti uumamu irraa odeeefannoob Qurâ€™aanni beeksisu hundii dhugaadha. Sobni wanta jedhamu itti hin dhufu. Sababni isaas Qurâ€™aanni Rabbii waan hundaa beeku irraa waan buâ€™eefi. **â€¢Buufamuun Kitaabichaa (Qurâ€™aanaa) Rabbii Injifataa, Beekaa taâ€™e irraayyi.â€¢**Suuratu Ghaafir 40:2

Qurâ€™aanni kitaabban isa dura buâ€™an ni dhugoomsa. Dhugoomsun kunis karaa lamaan taâ€™[\[5\]](#): **Iffaa**-wanta kitaabban darban gammachiisanii fi beeksiisan ni dhugoomsa ykn ni mirkaneessa. Kitaabban darban kanneen akka Tawraati fi Injiil Nabii Muhammad (SAW) akka ergamuu fi Qurâ€™aanni buâ€™ee beeksisanii turan. Kanaafu, Qurâ€™aanni odeeefannoob kana ni mirkaneessa.[\[6\]](#) Akkuma kitaabban darban jedhan Nabii Muhammadis ni ergame, Qurâ€™aannis ni buâ€™e. Wanta tokko beeksiifte yeroon booda akkuma ati beeksifte yoo taâ€™e, wanti suni si dhugoomse ykn dhugummaa kee ifatti baase jechuudha. Qurâ€™aannis akkuma kitaabban darban jedhan waan buâ€™eef dhugaa isaanii ifatti baasa

ykn ni dhugoomsa.

**2ffaaâ€“** Kitaabban darban dhugaa taâ€™uu irratti murteessa. Kana jechuun Kitaabban isa dura Rabbiin buuse dhugaa taâ€™uu ragaa baha. Osoo harki namoota itti hin seenin dura kitaabban akka Tawraat, Zabuur, Injiil Rabbiin irraa kan buâ€™an taâ€™uu fi wanti of keessaa qaban haqa taâ€™uu ni mirkaneessa. Kitaabban kanniniti harki namootaa erga seene boodas dhugaa fi soba addaan baasa. Wanti Qurâ€™aanni dhugaadha jedhe dhugaadha. Wanti inni soba jedhe soba. Sababni isaas, Qurâ€™aanni Rabbiin irraa kan buâ€™ee fi hanga Guyyaa Qiyaamaatti jijiramuu irraa kan tiikfameedha. Rabbiin ni jedha:

﴿ إِنَّا نَحْنُ نَزَّلْنَا الْذِكْرَ وَإِنَّا لَهُ لَحَفِظُونَ ﴾

â€œ**Dhugumatti, Numatu Qurâ€™aana buuse, dhugumatti Numatu isa tiiksasâ€** Suuratu Al-Hijr 15:9

### Ibsa Aayaata 2ffaa:

Akkuma yeroo darbe jenne Al-Qayuum dandeettin Rabbii guutuu taâ€™uu agarsiisa. Wantoota dandeettin Isaa guutuu taâ€™uu agarsiisan keessaa tokko Guyyaa Qiyaamaa namoota erga duâ€™anii booda kaasun murtiif walitti isaan qabuudha. Aayaata armaan gadii keessatti wantoota Guyyaa Qiyaamaa adeemsifamanii fi Daandeettin Isaa guutuu taâ€™uu agarsiisan ni dubbata. Mee wanta Guyyaa san nama rifachiisanii fi naasisan akkasumas nama gammachiisan haa ilaallu:

﴿ عَنِ الْجِبَالِ فَقُلْ يَنْسِفُهَا رَبِّي نَسْفًا ﴿١٥﴾ فَيَذْرُهَا قَاعًا صَفْصَفًا ﴿١٦﴾ لَا تَرَى فِيهَا مُتَّا ﴿١٧﴾ يَوْمِئِذٍ يَتَبَعُونَ الدَّاعِي لَا عَوْجَ لَهُ وَخَشَعَتِ الْأَصْوَاتُ لِلرَّحْمَنِ فَلَا تَسْمَعُ ﴿١٨﴾ يَوْمِئِذٍ لَا تَنْفَعُ الشَّفَاعَةُ إِلَّا مَنْ أَذِنَ لَهُ الرَّحْمَنُ وَرَضَى لَهُ وَقَوْلًا ﴿١٩﴾ يَعْلَمُ مَا بَيْنَ خَلْفَهُمْ وَلَا يُحِيطُونَ بِهِ عِلْمًا ﴿٢٠﴾ وَعَنَتِ الْوُجُوهُ لِلْحَيِّ الْقَيُومِ وَقَدْ خَابَ مَنْ ﴿٢١﴾ وَمَنْ يَعْمَلُ مِنَ الصَّلِحَاتِ وَهُوَ مُؤْمِنٌ فَلَا يَخَافُ ظُلْمًا وَلَا هَضْمًا ﴿٢٢﴾ ﴾

â€œ(105)â€¢Waaâ€™ee gaarreenii si gaafatu. â€œGooftaan kiyya faffacaasu isaan faffacaasa.â€¢ jedhiin. (106)-Lafa wal qixxaataa biqilaa hin qabne taasisee dachii dhiisa. (107)-Ishii keessattis buâ€™aa bahii homaa hin agartu. (108)-Guyyaa san Lallabaa hordofu; asi achii isarraa dabuun hin jiru. Sagaleen hunduu Rahmaaniif gadi jetti. Shokoksa malee homaa hin dhageessu. (109)-Guyyaa san shafaâ€™aan hin fayyaddu, nama Rahmaan isaaf hayyamee fi dubbii isaaf jaallate malee. (110)-Inni (Rabbitiin) wanta isaan dura jiruu fi wanta isaan duuba jiru ni beeka. Isaan beekumsaan Isa hin marsan. (111)-[Guyyaa san] fuulli [hundi] Rabbii Al-Hayy Al-Qayuum

**taâ€™eeef gadi jedha. Dhugumatti namni zulmii baadhate hoongaâ€™e (kasaare)(112)-Namni muâ€™mina (kan amane) taâ€™ee hojii gaggaarii hojjate, zulmii fi hadm hin sodaatuâ€™ Suuraatu Xaahaa 20:105-112**

Aayaanni kunnin wanta guyyaa san raawwatamu sammuu keessatti fakkii kaasun namatti himu. â€œ **Waaâ€™ee gaarreenii si gaafatuâ€™** kana jechuun Rabbiin guyyaa Qiyaamaa gaarreen kana maal godhaa? Haala amma irra jiran kanaan turan moo hin turan? Jedhiin â€œ **Gooftaan kiyya faffacaasu isaan faffacaasa.**â€™ Kana jechuun bakka isaanitii isaan deemsiisuu fi bubbuqisuun akka jibrii iddamtee ykn akka ashawaa taasisa. Ergasii waliin dhawuun akka awwaara ykn dhukkee bunnisuun godha. San booda gaarreen kunnin badanii dachiin wal qixxeessa. â€œ **Dachiis wal-qixxaata biqilaa hin qabnee taasisa.**â€™ Yaa nama guyyaa san ilaalu hoo! Buâ€™aa bayii homaatu dachii keessatti hin argitu. Lafa gadi buâ€™aa akka sululaa fi boolloo ykn lafa olkaâ€™aa akka tuulluu fi gooddaa keessatti hin argitu. Dachiin dirree wal-qixxooftee fi adii taate mulâ€™atti. Uumamtootaaf ni diriirti. Rabbiin oltaâ€™aan akka itillee (gogaatti) ishii diriirsa. Namoonnis dhaabbata tokko irra taâ€™u. Lallabaan sagalee isaan dhageesisa. Kanaafi ni jedha:

â€œ **Guyyaa san Lallabaa hordofuâ€™** kuni yeroo qabrii isaanii keessaa kaafamanii kaâ€™aniidha. Lallabaan iddo walitti qabamanitti akka argamanii fi walitti sassaabamanii isaan waama. Isaanis osoo bitaa fi mirga irraa hin goriin ariitiin isa hordofu. Kallatti hundaan gara sagalee isaatii fi naannawa isaatti qajeelu. â€œ **asi achii isarraa dabuun hin jiruâ€™**

Erga iddo wal-gahii gahanii booda, â€œ **Sagaleen hunduu Rahmaaniif gadi jetti.**â€™ Kana jechuun Guyyaa san sagaleen hundi Rabbiif ni calâ€™isti. Shokosaa lukaa ykn hidhii sochoosun hasaasa dhoksaa malee hundi isaanitu ni calâ€™isan. Murtii Rahmaan isaan irratti dabarsuu eeguuf sodaa fi calâ€™isuun isaan tooâ€™ata. Fuulli isaanii gadi gonbifamee murtii Rabbii guddaa eeggatu. Iddoo wal-gahii guddaa kanatti dureeyyi fi hiyeeyyi, dhiiraa fi dubartii, nama bilisaati fi gabroota, moottotaa fi namoota isaan jalatti bulan kan calâ€™isanii fi iiji isaanii sodaan guuttamtee fi mormii isaanii gadi jedhee argita. Isaan keessaa eenyullee maal akka irratti murteefamu fi isatti hojjatamu hin beeku. Namni hunduu abbaa, obboleessa, hirriyyaa fi jaallatamaa isaa dagatee nafsee fi dhimma ofiitiin koâ€™ooma. Yeroo sanitti Abbaan Murtii Haqa taâ€™e isaan irratti murteessa. Nama toltu hojjate tola isatiin mindaa isAAF kenna. Namni hamtuu (badii) hojjate immoo mindaa guddaa dhabuun jazaa isAAF kafala.[\[7\]](#)

â€œ **Guyyaa san shafaâ€™aan hin fayyaddu, nama Rahmaan isAAF hayyamee fi dubbii isAAF jaallate malee.**â€™ **Shafaâ€™aajechuun** wanta faayda qabuu fiduu fi wanta miidhaa qabu deebisuuf nama tokkoof jiddu-galaa (**jaarsummaa**) taâ€™uudha[\[8\]](#). Jecha biraatin, â€œ Yaa ebalu nama kanaaf kana godhi, yookiin hin adabinâ€™ jechuun abbaa aangoo fi sadarkaa qabu kadhachuudha. Nabiyyoonni fi namoonni gaggaariin namoota dhugaan amanantii garuu sababa badiin isaanii baayâ€™ateen ibidda seenan, akka ibidda keessaa bahanii fi Jannata seenan Rabbiin biratti shafaâ€™aa ni taâ€™u. Garuu shafaâ€™aan kuni ulaagaalee lama qaba: 1ffa- Nama shafaâ€™aa taâ€™uu fi shafaâ€™aan godhamuuf Rabbiin hayyamu. 2ffa-dubbii nama shafaâ€™aa taâ€™uu jaallachuudha. Wanti namni asirraa hubatu, namni hojii gaggaarii abbaan ykn firri isaa hojjateen kan boonu osoo hin taâ€™in mataa ofiitiin hojii gaggaarii hojjachuu qaba. Abbaan ykn firri isaa hanga fedhan namoota gaggaarii haa taâ€™an, yoo Rabbiin hin hayyamiin shafaâ€™aa isAAF taâ€™uu hin dandaâ€™an.

â€œInni (Rabbiin) wanta isaan dura jiruu fi wanta isaan duuba jiru ni beeka.â€ Kana jechuun Rabbiin subhaanahu wa taâ€™aalaa wanta namoonni addunyaa tana keessatti hojjatanii dabarsanii fi gara fuunduraatti wanta isaanitti dhufu hunda ni beeka. Dhimma guddaa gara fuunduraatti isaanitti dhufu keessaa wanta Guyyaa Qiyaamaa raawwatamuudha.[\[9\]](#)

â€œ[Guyyaa san] fuulli [hundi] Rabbii Al-Hayy Al-Qayuum taâ€™eeef gadi jedhaâ€ Guyyaa san fuulli nama hundaa Rabbii yeroo hundaa Jiraataa gonkumaa hin duune, Of-Dandaâ€™aa homattu hin hajamne, Kan uumamtoota hundaa dhaabu, jiraachisuu fi eeguuf gadi jedha. Namoonni hundi fuula isaanii gadi qabanii dhaabbatu.

Guyyaa Qiyaamaa san iddo walitti qabamaatti namoonni bakka lamatti qoodamu: Qoonni 1ffaan- kufrii fi sharrii isaaniitiin zaalimoota (miidhaa raawwattoota) warra taâ€™an. Kasaaraa fi dhabiinsa, jahannama keessatti adabbii cimaa fi dallansuu Rabbii malee homtu isaan hin gahu. â€œDhugumatti namni zulmii baadhate hoongaâ€™e (kasaare)â€ Zulmiin (miidhaan) guddaan kufrii fi shirkiidha. Kufrii jechuun haqaa fudhachuu diduu ykn Rabbitti amanuu diduudha. Shirkii jechuun Rabbiin waliin waan biraab gabbaruu ykn uumamtoota Rabbii Tokkichaan wal fakkeessuu fi wal-qixxeessudha. Sababa kufrii fi shirkiitiin hojiin isaan gaariidha jechuun hojjatan hundi jalaa badaa. Homaa isaan hin fayyadu. Kasaaran kana caalu ni jiraa ree?

Qoonni lamaffaan immoo namoota haala itti ajajamaniin amananii fi hojii gaggaarii hojjatiidha. â€œNamni muâ€™mina (kan amane) taâ€™ee hojii gaggaarii hojjate, zulmii fi hadm hin sodaatu.â€ Asitti zulmii jechuun badii inni hin hojjanne isatti dabalamu ykn badii inni hin hojjanneef isa adabuudha. Hadm jechuun immoo hojii gaggaarii ykn haqa isaa jalaa hirâ€™isuudha. Kanaafu, hiikni â€œzulmii fi hadm hin sodaatu.â€ Jedhu, badiin inni hin hojjanne isatti dabalamu hin sodaatu, hojiin gaariin inni hojjate isa jalaa hirâ€™ifamus hin sodaatu[\[10\]](#)

Namni Rabbitti amanee fi jaalala Isaa barbaadun hojii gaggaarii hojjate, badii inni hin hojjanneef hin adabamu. Ammas, hojii gaggaarii isaa irraa mindaan hin hirâ€™ifamu. Kana irra, badii hojjateef araaramni isaaf godhama, hojiin gaggaariin inni hojjate isaaf baayâ€™ifamuun Jannata qananii seena. Qurâ€™aana keessatti, â€œNamni Rabbitti amanee fi hojii gaggaarii hojjate, [Rabbiin] hamtuwwan isaa isarraa harcaasee Jannata jala ishii laggeen yaaâ€™an isa seensisa; isaan abadii achi keessa jiraatu. Suni Milkaaâ€™inna Guddaadha.â€ (Suuratu At-Taghaabun 64:9)

Rabbiin subhaanahu wa taâ€™aalaa rahmataa fi tola Isaatiin Guyyaa Qiyaamaa warra mindaan fi milkii guddaa kanaan milkaaâ€™u nu haa taasisu.

## Kitaabban wabii

- [\[1\]](#) Tafsiiru Saâ€™dii-125
- [\[2\]](#) Aali-Imraan, Abdurahman Habanka Hasan, fuula 14
- [\[3\]](#) Tafsiiru Ibn Kasiir-2/309
- [\[4\]](#) Tafsiiru Saâ€™dii-fuula 125, Tafsiiru Qurâ€™aanil kariim- Tafsiiru suuratu Aali-Imraan, Ibn Useymiin -fuula 9-10
- [\[5\]](#) Madda olii-fuula 9-10
- [\[6\]](#) Tafsiir ibn Kasiir 2/309
- [\[7\]](#) Tafsiiru Saâ€™dii-fuula 597-598

---

[8] Tafsiiru Qurâ€™aanil kariim-Tafsiiru Suuratu Al-Baqarah:255, Ibn Useymiin 252

[9] Maâ€™aariju Tafakkuri wa daqaaâ€™iqu tadabburî 8/327-328 , Abdurahmaan Habanka

[10] Tafsiiru Saâ€™dii-599, Tafsiiru ibn Kasiir 5/311, Madda olii 8/329

**Date Created**

September 7, 2019

**Author**

admin